

compingendis Libris adhiberi solito. *Var. β.* cum  
*α.* eodem in loco simul crescit, sed tamen rarior  
 provenit, etiam magnitudine & pileo foraminoso  
 convenit, tamen nonnullis notis distinctivis e. gr.  
 pileo simpliciter convexo fere absque umbone,  
 colore, & stipite fibrilloso, qui tamen etiam ob-  
 solete annulatus est, discrepat, hinc ulteriori ad-  
 huc subjici debet observationi.

100. *Agaricus tenacellus*: gregarius parvus, pileo car-  
 noso-membranaceo umbonato, fuligineo-pallido, lamel-  
 lis subdistinctis albis, stipite glaberrimo subfulvo tenace:  
 basi piloso, apice albido.

*Var.* pileo albicante. *Ag. tenacellus.* *N. Bot. Maga-*  
*zin* I Band. pag. 104.

*Obs.* Autumno non infrequens in faginetis sed ma-  
 gis in pinetis observatur ad terram inter muscos.  
*Stipes*  $2\frac{1}{2}$  unc. longus, fordide lutescens, rigidus,  
 durus lin. I crassus. *Pileus* hemisphaericus planius-  
 culus, elasticus, nonnunquam subrugosus,  $\frac{1}{2}$  unc.  
 latus, colore ochraceo-lividus, sero autumno  
 aliquando fordide albus evadit, ejusque umbo  
 nonnunquam evanescit.

101. *Agaricus ericetorum*: gregarius parvus; pileo  
 membranaceo, fragili griseo, lamellis distantibus: basi  
 latissimis, alternis majoribus, stipite mediocri, pileo con-  
 colore. Tab. IV. Fig. 12.

*Agaricus pseudo-androsaceus.* *Bull. champ.* pl. 276.

*Agaricus pseudo-androsaceus*, stipitatus, pileo sub-  
 fusco depresso striato infundibuliformi, lamellis de-  
 currentibus stipiteque concoloribus. *Sibth. Fl. Oxon.*  
 pag. 366.